



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1563 usque ad annum 1566

Fleury, Claude

August. Vind. [u.a.], 1772

VD18 90118626

§. 41. Alia ejusdem Auctoris opera.

[urn:nbn:de:hbz:466:1-67192](https://nbn-resolving.org/urn:nbn:de:hbz:466:1-67192)

Porro Castallio relicta Geneva Basileam contendit, ubi linguam Græcam tradere jussus, reliquos vitæ suæ dies ibidem transegit, donec die vigesima nona Decembris anno ætatis suæ quadragesimo octavo decederet ex lue pestilenti, quæ hoc anno vehementer per totam Germaniam grassata est, adeo, ut Francofurti, Norimbergæ, Magdeburgi, Hamburgi, Dantisci, & per civitates Vandalias, ac maritimas in autumno uno plusquam trecenta millia hominum hæc contagies absumeret: porro Castallio sepultus est in Majori Ecclesia Basileensi, funus curantibus tribus Polonis nobilibus, qui olim ejus Scholam frequentantes, Magistri sui monumentum honorifica inscriptione decorabant.

§. XLI.

Alia ejusdem Auctoris opera.

Hic idem Scriptor Basileensibus literis excudi curabat quatuor Dialogorum libros, in quibus celebriores sacri Codicis historię eleganti sermone latino descriptæ continentur, hocque opus postea iterato prælo prodiit: elucubrabat pariter anno reparatæ salutis millesimo quingentesimo quadragesimo sexto unacum annotationibus Sybillarum carmina, quæ ipse versibus, ut vo-

P 2 cant,

Sæcul XVI.
A. C. 1563.

*Epit. Bibl.
Gesneri
pag. 745.*

Sæcul. XVI
A. C. 1563

cant, heroicis unacum Moyſis Prophetæ libris latine reddidit. Poſtea anno Chriſti milleſimo quingentefimo quadrageſimo ſeptimo Davidis Pſalmos, ceteraque omnia ſacræ Scripturæ Cantica in latinum idioma tranſtulit: anno autem Domini milleſimo quingentefimo quadrageſimo octavo typis vulgabat quoddam in S. Joannis Baptiſtæ vitam poema græcum, necnon aliud latinum, quod Jonæ Prophetæ paraphraſis eſt: inſuper plures celebris Ochini tractatus italice ſcriptos, ac nominatim triginta illius Dialogos, qui tantos concitabant tumultus, latinitate donabat, ejus tamen adnotationes in epiſtolam ad Romanos a Baſileenſi Senatu fuerunt damnatæ, eoquod in illis errores circa prædeſtinationem, & gratiam deprehenderentur: nihilominus eas Gallice redditas in vulgus ſpargere non dubitabat. Accuſabatur etiam de Enthufiaſmo, cui accuſationi occaſionem dedit perverſionem libri, cui titulus, *Theologia Germanica*, quem librum Phanatiſmo plenum ipſe ſub nomine *Joannis Theophili* latine reddidit, quamvis ex hujus libri lectione quamplurimi in Belgio ſeducti fuerint. Præterea anno poſt Chriſtum natum milleſimo quingentefimo quinquageſimo octavo apologiam edidit. in qua de duobus Calvini libellis queri-

queritur, quorum primus anno Incar-Sæcul. XVI.
 nationis Dominicæ millesimo quingen- A. C 1563.
 tesimo quinquagesimo septimo excusus
 inscribatur: *responsum ad quasdam ca-*
lumnias, & blasphemias &c. alter vero
 latine anno sequenti editus hunc titu-
 lum præseferbat: *calumnice cujusdam*
Nebulonis. In hac apologia profitetur
 Castallio, quod duos libros, quos Cal-
 vinus ei adscripserat, nunquam con-
 spexerit, insuper non modo ea, quæ
 in sacro Evangelio contra fratris sui ca-
 lumniatorem pronuntiantur, eidem ob-
 trudit, sed etiam ei objicit illa, quæ
 ipse Calvinus in vita Christiani scripta
 reliquerat; speciatim vero impactum
 sibi crimen furti, perfidiæ, crudelita-
 tis, & blasphemix diluit: ceterum ex
 iis, quæ ad objectum furti scelus re-
 spondet, ipsum summa egestate fuisse
 pressum manifeste colligitur.

§. XLII.

*Carolus Molinæus Lugduni captus,
 ac demum liber dimissus.*

Hoc item anno Carolus Molinæus Ju-
 risconsultus, cujus jam supra me-
 minimus, novo rursus infortunio ve-
 xabatur; cum enim ob tumultus anno
 priori Parisiis exortos die tertia Junii
 unacum uxore sua secundis nuptiis sibi
 juncta nomine Joanna Viviera, suisque